



Broj: 14-11-4-16852-28/20
Zenica, 05.05.2021. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-11-4-16852-27/20 od 05.05.2021.godine, u postupku javne nabavke „Nabavka i isporuka kancelarijskog materijala i pribora za potrebe Zeničko-dobojskog kantona“, direktor Službe za zajedničke poslove Zeničko-dobojskog kantona, d o n o s i:

O D L U K U
o izboru najpovoljnijeg ponuđača

1. Prihvata se preporuka Komisije za javnu nabavku iz Zapisnika broj: 14-11-4-16852-27/20 od 05.05.2021.godine i Okvirni sporazum za nabavku i isporuku kancelarijskog materijala i pribora za potrebe Zeničko-dobojskog kantona dodjeljuje se ponuđaču: PLAN PLUS d.o.o. Zenica, kao najbolje ocijenjenom ponuđaču, sa cijenom od 166.900,00 KM bez PDV-a.
2. Ponuđač kojem se dodjeljuje okvirni sporazum dužan je dostaviti dokumente iz člana 45., 46. i 47. Zakona o javnim nabavkama, navedene u tački 3.1., 3.2. i 3.3. Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača.
3. Po pravosnažnosti ove Odluke, a u skladu sa članom 98. stav (1) Zakona o javnim nabavkama, izabranom ponuđaču iz tačke 1. ove Odluke dostavit će se prijedlog okvirnog sporazuma o nabavci.
4. Po potpisivanju okvirnog sporazuma, izabrani ponuđač dužan je dostaviti Garanciju za uredno izvršenje ugovora, u roku od 10 kalendarskih dana, u iznosu i na način kako je to definisano tačkom 6.7. Tenderske dokumentacije.
5. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.
6. Za realizaciju ove Odluke zadužuje se Služba za zajedničke poslove.

O b r a z l o ž e n j e

Postupak javne nabavke „Nabavka i isporuka kancelarijskog materijala i pribora za potrebe Zeničko-dobojskog kantona“ pokrenut je donošenjem Odluke o pokretanju postupka broj: 14-11-4-16852/20 od 16.10.2020. godine.

Javna nabavka je provedena putem otvorenog postupka sa predviđenim zaključenjem okvirnog sporazuma i provođenjem postupka e-aukcije putem Informacionog sistema e-Nabavke. Procijenjena vrijednost nabavke je 249.999,00 KM bez PDV-a.

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Dana 19.10.2020. godine, objavljena je tenderska dokumentacija na portalu e-Nabavke istovremeno sa objavom Obavještenja o nabavci, pod brojem: 771-1-1-31-3-21/20, a dana 07.12.2020. godine, Ugovorni organ je objavio Izmjenjenu i dopunjenu tendersku dokumentaciju i Ispravku za obavještenje o nabavci pod brojem: 771-1-1-31-8-24/20.

Komisija za provođenje postupka javne nabavke, blagovremeno je izvršila javno otvaranje ponuda, te u Zapisniku od 03.02.2021. godine, konstatovala da su u predviđenom roku pristigle četiri ponude, ponuđača: SVJETLOSTKOMERC d.d. Sarajevo, PRIMAPROM d.o.o. Banja Luka, AERO-EXCLUSIVE d.o.o. Sarajevo i PLAN PLUS d.o.o. Zenica.

Na osnovu preporuke Komisije, donesena je Odluka o izboru najpovoljnijeg ponuđača, broj: 14-11-4-16852-19/20 od 10.02.2021. godine, kojom je dodijeljen okvirni sporazum jedinom prihvatljivom ponuđaču AERO-EXCLUSIVE d.o.o. Sarajevo.

Dana, 22.02.2021. godine, ponuđač PLAN PLUS d.o.o. Zenica, zastupan po punomoćniku advokatu Srdanu Petriću uputio je poštom preporučeno Ugovornom organu Žalbu na Odluku o izboru najpovoljnijeg ponuđača, broj: 14-11-4-16852-19/20 od 10.02.2021. godine, a Ugovorni organ je dana 26.02.2021. godine proslijedio navedenu žalbu URŽ-u BiH sa Izjašnjenjem, broj: 14-11-4-16852-23/20.

Ured za razmatranje žalbi Bosne i Hercegovine je donio Rješenje broj: broj: JN2-03-07-1-620-9/21 od 12.04.2021. godine, kojim je usvojio žalbu ponuđača PLAN PLUS d.o.o. Zenica i poništio gore navedenu Odluku o izboru, te predmet vratio ugovornom organu na ponovni postupak u kojem će postupiti po stavovima URŽ-a iznesenim u navedenom Rješenju i donijeti odluku u skladu sa Zakonom i podzakonskim aktima iz oblasti javnih nabavki.

Postupajući po navedenom Rješenju, a imajući u vidu da je zbog obustave postupka, validnost ponuda bila pred istekom, Ugovorni organ je od ponuđača zahtijevao produženje perioda važenja ponuda. Ponuđači SVJETLOSTKOMERC d.d. Sarajevo, PRIMAPROM d.o.o. Banja Luka, AERO-EXCLUSIVE d.o.o. Sarajevo i PLAN PLUS d.o.o. Zenica su ostavljenom roku do 26.04.2021. godine dostavili Izjavu o produženju perioda važenja ponude.

U ostavljenom roku do 30.04.2021. godine ponuđači PRIMAPROM d.o.o. Banja Luka (Aneks I Garancije za ozbiljnost ponude u postupcima javne nabavke broj: 36161/21 od 01.02.2021. godine – INTESA SANPAOLO BANKA d.d. Bosna i Hercegovina), PLAN PLUS d.o.o. Zenica (Aneks broj 1 Garancije za ozbiljnost ponude br. 93740/21 – ASA BANKA d.d. Sarajevo) i AERO EXCLUSIVE d.o.o. Sarajevo (Aneks br. 1 Garancije br. 1405016221365075 – SBERBANK BB d.d. Sarajevo) su dostavili Garanciju za ozbiljnost ponude.

Ponuđač SVJETLOSTKOMERC d.d. Sarajevo nije dostavio Garanciju za ozbiljnost ponude, te se ista neće razmatrati u daljem toku postupka u skladu sa članom 60. Stav (3) Zakona gdje je navedeno "Ako ponuđač ne odgovori na pisani zahtjev ugovornog organa u pogledu produženja perioda važenja ponude ili ne pristane produžiti rok važenja ponude ili ne osigura produženje garancije za ozbiljnost ponude, smatra se da je ponuđač odbio zahtjev ugovornog organa, te se njegova ponuda ne razmatra u daljem toku postupka".

Uvidom u Izvještaj o preuzimanju tenderske dokumentacije, Komisija je konstatovala da ponuđač PRIMAPROM d.o.o. Banja Luka nije preuzeo izmjenjenu i dopunjenu tendersku dokumentaciju sa portala koja predstavlja novi dokument, a podrazumijevala je suštinsku promjenu uslova propisanih u tenderskoj dokumentaciji, te ponuda navedenog ponuđača nije dalje razmatrana u postupku javne nabavke.

Član 55. stav (1) Zakona o javnim nabavkama definiše moguće načine preuzimanja tenderske dokumentacije. U skladu sa tačkom d) navedene odredbe Zakona, Uputstvo o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15), između ostalog, reguliše i pitanje objave i preuzimanja tenderske dokumentacije. Član 9. stav 4. navedenog Uputstva izričito navodi da ako ugovorni organ objavi tendersku dokumentaciju u sistemu „E-nabavke“, tenderska dokumentacija se ne može dostavljati na druge načine predviđene članom 55. stav 1. tač. a)-c) Zakona.

Dakle, da bi učestvovao u postupku javne nabavke za koji je tenderska dokumentacija objavljena na Portalu javnih nabavki, potrebno je da ponuđač preuzme tendersku dokumentaciju za konkretni postupak.

Imajući u vidu naprijed navedeno, ponuda ponuđača PRIMAPROM d.o.o. Banja Luka se odbacuje u skladu sa članom 68. stav (4) tačka j) Zakona o javnim nabavkama.

Nakon izvršene evaluacije ponuda - izvršenog pregleda i ocjena ponuda, izvršen je unos prihvatljivih ponuda u Informacioni sistem e-Nabavke –Portal Javnih nabavki BiH. E-Aukcija je održana 04.05.2021.godine sa početkom u 09,00 sati i okončana je u 09,26 sati.

Početna rang lista ponuđača koji su pozvani da učestvuju u e-Aukciji je sljedeća:

Naziv ponuđača	Početna cijena u KM bez PDV-a	Rang
PLAN PLUS d.o.o Zenica	238.454,28*	1
AERO-EXCLUSIVE d.o.o. Sarajevo	217.577,20	2

*Označava cijenu na koju se primjenjuje preferencijalni tretman

Nakon uspješno okončane e-Aukcije, a na osnovu Izvještaja o toku i završetku e-Aukcije sačinjena je Rang lista ponuđača:

Naziv i sjedište ponuđača	Konačna cijena u KM bez PDV-a	Rang
PLAN PLUS d.o.o Zenica	166.900,00*	1
AERO-EXCLUSIVE d.o.o. Sarajevo	117.000,00	2

*Označava cijenu na koju se primjenjuje preferencijalni tretman

U skladu sa navedenim, Komisija je dala preporuku ugovornom organu za donošenje odluke o izboru ponuđača PLAN PLUS d.o.o Zenica, kao najpovoljnijeg ponuđača za predmetnu nabavku.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 4 x ponuđači
1 x tenderska dokumentacija

